


戰國策正解

魏下

七下



和書門			
二	四	五	七〇
六	六	函	號
一	三	册	
五	架		

內閣文庫		
二	四	和
一	五	書
二	七	
一	〇	類
架	册	號

內閣文庫		
番號	和	24570
冊數	13	(10)
函號	191	330




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






戰國策正解卷七下

橫田惟孝著

魏下

昭王凡十章



秦敗東周與魏戰於伊闕殺犀武魏令公孫行乘勝

而留於境請界辭割地以講於秦敗必邁反下同令

疑倒錯當作乘勝而留於境魏令公孫行界辭割地

以請講於秦秦兵留於境將復伐魏故魏恐割地以

請和為竇屢謂魏王曰臣不知行之所以聽於秦之

少多然而臣能半行之割而令秦講於王為于偽反

謂許割地於秦王曰奈何對曰王不若與竇屢關內侯而令

戰國策正解卷七下 後影刻

趙王重其行而厚奉之。因揚言曰。聞周魏合寶屢以

割魏於奉陽君而聽秦矣。關君長曰。言魏令趙王重

蓋使秦知趙重寶屢之行。因揚言。愚謂割魏於奉陽

君。言使李克割魏地。即下文制割是也。吳師道曰。關

內侯之稱。不獨起於秦。夫周君寶屢奉陽君之與穰侯。質首之

仇也。今行和者寶屢也。制割者奉陽君也。太后恐其

不因穰侯也。而欲敗之。必以少割。請合於王。而和於

東周與魏也。夫音扶。關君長曰。以此易彼。謂之質。而

而死。愚謂太后穰侯之姊也。請合於王。謂太后以合周魏。請秦王也。

秦趙約而伐魏。魏王患之。迄卯曰。王勿憂也。臣請發

考異 坊本而今下有之 字以割作已割

趙王... 雍

張倚使謂趙王曰。夫鄴寡人固刑弗有也。今大王收

秦而攻魏。寡人請以鄴事大王。夫音扶。固刑疑倒

不能守也。以鄴事大王。言以鄴致趙事之。趙王喜。召相

國而命之曰。魏王請以鄴事寡人。使寡人絕秦相國

曰。收秦攻魏。利不過鄴。今不用兵而得鄴。請許魏。相

亮反。利不過鄴。言戰勝之利。不過得鄴。張倚因謂趙王曰。敝邑之吏效

城者。已在鄴矣。大王且何以報魏。趙王因令閉關絕

秦。秦趙大惡。令力呈反。惡。謂二國之交惡。迄卯應趙使曰。敝邑所

以事大王者。為完鄴也。今效鄴者。使者之罪也。卯不

知也。使所吏反。為于偽反。趙王恐魏承秦之怒。遽割五城以合

後周... 雍

於魏而支秦。關君長曰承猶續也言秦怒趙之絕好今又惡魏則魏亦續秦以怒趙也

考異坊本趙約作約趙刑作形一本無趙王喜之趙字曾本劉本鄴事寡之鄴作國坊本效並

效作

苾卯謂秦王曰王之士未有為之中者也臣聞明王

不背中而行。背音佩○中謂居諸侯之中而計者王之所欲於魏者長

平王屋洛林之地也王能使臣為魏之司徒則臣能

使魏獻之秦王曰善因任之以為魏之司徒。任音任○任保

任也為魏之司徒所謂中也謂魏王曰王所患者上地也秦之所

欲於魏者長平王屋洛林之地也王獻之秦則上地

無憂患因請以下兵東擊齊攘地必遠矣魏王曰善

因獻之秦。上地上黨之地說見楚策上黨韓魏兩屬趙策秦盡韓魏之上黨是也地入

數月而秦兵不下魏王謂苾卯曰地入已數月而秦

兵不下何也苾卯曰臣有死罪雖然臣死則契折於

秦王無以責秦王因赦其罪臣為王責約於秦。數色主反

為于偽反○契券也折毀也券毀謂無微乃之秦謂秦王曰魏之所以獻

長平王屋洛林之地者有意欲以下大王之兵東擊

齊也今地已入而秦兵不可下臣則死人也雖然後

山東之士無以利事王者矣秦王懼然曰國有事未

澹下兵也今以兵從。贖遽視也澹贖通給也後十日秦兵下苾

卯并將秦魏之兵以東擊齊啓地二十二縣。并音併將于匠

戰國策卷之二十一 秦本紀 後周國雍

考異 高本平並作羊坊本任下無之字一本必遠間有不字坊本無己字無有意二字

蘇代拘於魏欲走而之齊魏氏閉關而不通燕策曰蘇代過

魏魏為齊使蘇厲為之謂魏王曰齊請以宋地封涇

陽君而秦不受也夫秦非不利有齊而得宋望也然

其所以不受者不信齊王與蘇代也今秦見齊魏之

不合也如此其甚也則齊必不欺秦而秦信齊矣齊

秦合而涇陽君有宋地則非魏之利也為于偽反夫音扶下同

有齊謂得齊交也齊善代而魏拘之是不合之甚也唐順之曰魏邊宋秦得宋則日有侵虞故曰非魏之

利故王不如復東蘇代秦必疑齊而不聽也夫齊秦

不合天下無憂伐齊成則地廣矣復扶又反○東謂使東之齊也燕策

可二并考異 高本之齊下有韓字坊本宋莖下不合下並無也字

五國伐秦無功而還成臯之役見趙策其後齊欲伐宋而秦

禁之齊合宋郭之秦請合而以伐宋秦王許之魏王

畏齊秦之合也欲講於秦令力呈反下同謂魏王曰秦王謂

宋郭曰分宋之城服宋之強者大國也乘宋之敝而

與王爭得者楚魏也請為王毋禁楚之伐魏也而王

獨舉宋王之伐宋也請剛柔而皆用之如宋者欺之

不為逆殺之不為讎者也王無與之講以取地既已

後周園雅

得地矣。又以力攻之。期於啗宋而已矣。為王之為于偽反下為王

為足為之同。○大國及王皆指齊也。毋禁楚之伐魏者。二國構難。則不能與齊爭宋也。剛柔而皆用之。言不論宋強弱。而皆伐之也。不為逆。不為讎。謂宋弱。小不能逆。讎齊也。啗食也。謂吞滅也。臣聞此

言而竊為王悲。秦必且用此於王矣。又必且劫王以

求地。既已得地。又且以力攻王。又必謂王使王輕齊。

齊魏之交已醜。又且收齊以更索於王。秦嘗用此於

楚矣。又嘗用此於韓矣。願王之深計之也。秦善魏。不

可知也。已。索所白反。○言秦善魏。而情偽難知。不可以信也。故為王計。太上

伐秦。其次賓秦。其次堅約而詳講。與國無相讎也。秦

齊合國不可為也。已。王其聽臣也。必無與講。實擯通下同。詳

佯通。○堅約而詳講。謂堅從約。而佯與秦和。趙策所謂不得已。而必媾。則願五國復從約。是也。不可為。謂不可何如也。無與講。謂無與秦和也。秦權重魏。魏冉明熟。是故又為足

下傷秦者。不敢顯也。重魏。謂重於魏也。或魏字衍。關君長曰。傷猶害也。言客又為魏

王害秦者。恐魏冉覺之。不敢顯其事也。此止重也。言客不為魏。而自為計也。天下可令伐

秦。則陰勸而弗敢圖也。見天下之傷秦也。則先鬻與

國。而以自解也。天下可令賓秦。則為劫於與國。而不

得已者。天下不可。則先去。而以秦為上交。以自重也。

如是人者。鬻王以為資者也。而焉能免國於患。焉於度反

○陰勸而弗敢圖。所謂不敢顯也。不可。謂不可伐。且實也。去。去與國也。下文今足下鬻之。以合於秦。九字疑當在而焉間。鬻之。謂為之所鬻也。言如是人者。鬻王以為自解自重之資者也。而今王為客所鬻。以合

後周國難

於秦焉能免國於患。免國於患者，必窮三節而行其上。上不可，則行其中。中不可，則行其下。下不可，則明不與秦兩生以殘秦，使秦皆無百怨百利，惟己之曾安。今足下鬻之以合於秦，是免國於患者之計也。臣何足以當之。雖然，願足下之論臣之計也。曾音增。○三節，即上文太上其次三節也。吳師道曰：不能伐，不能擯，又不能媾，必為秦所伐，則誓鬪而必死，不與秦俱生以殘秦，愚謂惟己之曾安，謂惟安己國而已，不敢出兵也。今足下以燕齊讎國，下九字錯簡，說見上論，謂論議計之當否。燕齊讎國也。秦兄弟之交也。合讎國以伐婚姻，臣為之苦矣。謂之兄弟，蘇秦曰：今燕雖弱，小即秦王之少壻也。是秦燕婚姻之國也。言燕於齊讎國，於秦兄弟也。黃帝戰於涿鹿之野，而西戎之兵不至。禹攻三苗，而東

夷之民不赴，以燕齊伐秦，黃帝之所難也。而臣以致燕甲而起齊兵矣。難乃且反。○言合讎國以伐婚姻，帝王之所難而已。為之此其所以也。苦臣又徧事三晉之吏，奉陽君孟嘗君、韓、周、最、韓、餘為徒，從而下之。下，退嫁反。○餘為，複名。下文可。以鮑彪以為與為徒友，非矣。陸樹聲曰：下猶折節下士之下。恐其伐秦之疑也。又身自醜於秦，扮之。醜，猶羞也。扮，疑當作紛，言恐秦陽之徒，伐秦之不決，又身自羞秦紛亂從約。故挺身敢為如下文。請焚天下之秦符者，臣也。次傳焚符之約者，臣也。次使五國約閉秦關者，臣也。謂秦符在諸侯者，閉秦關，謂不與秦通。奉陽君韓餘為既和矣。蘇脩朱嬰既皆陰在邯鄲，臣又說齊王而往敗之。天下共講，因使蘇

脩游天下之語。而以齊為上交。兵請伐魏。臣又爭之。以死而果。西因蘇脩重報。臣非不知秦權之重也。然而所以為之者。為足下也。說始銳反。敗必邁反。爭音諫。重報之重。直用反。○既

和既同。於伐秦也。蘇脩朱嬰亦三晉之吏。皆既在邯鄲。議伐秦也。往敗之。謂之秦敗。宋郭合秦之約。游字未詳。恐當作要。蓋謂要諸侯盟約之語。兵疑齊訛。謂齊請伐魏於秦也。果決也。言以死爭齊王。而決不伐魏。鮑彪曰。脩在邯鄲。齊之西也。報以齊不伐魏。

考異

高本坊本並大國作六國。今從一本。坊本母禁作無禁。高本逆下有者字。曾本不為。作而無。無坊本更索作東索。又為作有。謂高本坊本並且曰。坊本更索作東索。又為作有。謂高本坊本並

兩生作而生。今從一本。一本惟己作。惟亡。坊本今足下作無。令天下論作聽。高本以燕下無齊字。坊本臣以作臣。已高本編作編。坊本氓作氓。周最下有周字。高本次使之次作欲。坊本脩作修。朱嬰下

無既字。高本秦權作秦勸。

葉陽君約魏。魏王將封其子。

葉舒涉反。○吳師道曰。葉即奉之。李兌也。愚

按趙策亦有此事。吳說是矣。其子兌子也。謂魏王曰。王嘗身濟漳。朝邯鄲。

抱葛薛陰成。以為趙養邑。而趙無為王有也。王乃又

封其子河陽姑密乎。臣為王不取也。魏王乃止。朝直遙反。

養羊尚反。為王之為于偽反。○抱猶奉持也。養邑。供養之邑。有謂為援助也。

考異

薛高本作薛。坊本作孽。今從曾本。高本坊本並王乃作王能。今從一本。曾本姑作施。

秦使趙攻魏。魏謂趙王曰。攻魏者亡趙之始也。昔者

晉人欲亡虞而先伐虢。伐虢者亡虞之始也。故荀息

以馬與璧。假道於虞。宮之寄諫而不聽。卒假晉道。晉

人伐虢。反而取虞。故春秋書之。以罪虞公。卒子律反。還也。

春秋僖五年曰。晉人執虞公。杜預曰。虞公貪璧馬之寶。距絕忠諫。稱人以執。同於無道。於其民之例。所以罪之。

今國莫強於趙。而并齊。秦王賢。而有聲者相之。

所以為心腹之疾者趙也。并音併。相息亮反。○并猶谷也。聲名望也。言趙強而

又合齊。而秦君臣賢。故知趙為心腹之疾。而欲亡之。魏者趙之虢也。趙者魏之

虞也。聽秦而攻魏者。虞之為也。願王之熟計之也。

考異

高本無先字。坊本取作收。高本心腹作腹。心腹。

秦將伐魏。魏王聞之。夜見孟嘗君。告之曰。秦且攻魏。

子為寡人謀奈何。孟嘗君曰。有諸侯之救。則國可存。

也。王曰。寡人願子之行也。重為之約。車百乘。孟嘗君

之趙。謂趙王曰。文願借兵以救魏。趙王曰。寡人不能。

孟嘗君曰。夫敢借兵者。以忠王也。王曰。可得聞乎。孟

嘗君曰。夫趙之兵。非能強於魏之兵。魏之兵。非能弱

於趙也。然而趙之地不歲危。而民不歲死。而魏之地

歲危。而民歲死者。何也。以其西為趙蔽也。今趙不救

魏。魏軟盟於秦。是趙與強秦為界也。地亦且歲危。民

亦且歲死矣。此文之所以忠於大王也。趙王許諾。為

起兵十萬車三百乘。為寡重為為起之為于偽反。下同。乘繩證反。下同。夫音扶。下同。

○西為趙蔽。謂魏在趙西。為之隱蔽。軟。獸血也。趙與強秦為界。言魏合於秦。則趙與秦接界。其地與民歲

危且死。又北見燕王曰。先日公子嘗約兩王之交矣。

今秦且攻魏。願大王之救之。關君長曰恐行日字文稱其父當曰先公子

燕王曰。吾歲不熟二年矣。今又行數千里而以助魏。

且奈何。田文曰。夫行數千里而救人者。此國之利也。

今魏王出國門而望見軍。雖欲行數千里而助人。可

得乎。數色主及下同。○國見伐。故出國門而望見敵軍。燕王尚未許也。田文

曰。臣効便計於王。王不用臣之忠計。臣請行矣。恐天

下之將有大變也。王曰。大變可得聞乎。曰。秦攻魏。未

能克之也。而臺已燔。游已奪矣。而燕不救魏。魏王折

節割地以國之半與秦。秦必去矣。游游觀之所。或游

燔游奪言秦軍入國之深也。秦已去魏。魏王悉韓魏之兵。又西借

秦兵。以因趙之衆。以四國攻燕。王且何利。利行數千

里而助入乎。利出燕南門而望見軍乎。則道里近。而

輸又易矣。王何利。易以政反。○何猶孰也。輸送軍糧

近輸易以及下燕王言行數千里而助魏也。燕王曰。子行矣。寡人聽子。乃為

之起兵八萬車二百乘。以從田文。魏王大說。曰。君得

燕趙之兵。甚衆且亟矣。秦王大恐。割地請講於魏。因

歸燕趙之兵。而封田文。從才用反說音悅恐丘勇反

考異曾本無非能之能字坊本兩王作兩王臣請

三百於魏下穰侯攻大梁。乘北邳。魏王且從。邳疑郭若郊之訛乘

周人乘黎之乘勝也

從順也。謂穰侯曰：君攻楚，得宛穰，以廣陶攻齊，得剛博，以廣陶得許鄆陵，以廣陶秦王不問者，何也？以大梁之未亡也。今日大梁亡，許鄆陵必議，議則君必窮，為君計者，勿攻便。為于偽反。○陶穰侯之邑，許鄆陵魏地，關君長曰：齊楚不亡，獨梁亡，則秦以并其地，乃以冉得許鄆陵，必有駁議，愚謂此客為魏王說也。

考異

高本連魏秦伐楚章坊本北郢作郢北得許上吳補攻魏二字

白珪謂新城君曰：夜行者能無為姦，不能禁狗使無吠已也。故臣能無議君於王，不能禁人議臣於君也。

秦策段產語同說見彼

考異

劉本珪作圭坊本姦作奸劉本能無作能不坊本人議下無臣字

秦攻韓之管，魏王發兵救之。昭忌曰：夫秦強國也，而韓魏壤秦不出攻則已，若出攻非於韓也，必魏也。今幸而於韓，此魏之福也。王若救之，夫解攻者必韓之管也。致攻者必魏之梁也。夫音扶。○韓魏壤秦二國壤地與秦相接，解猶免也。魏王不聽曰：若不救韓，韓怨魏，西合於秦，秦韓為一，則魏危，遂救之。秦果釋管而攻魏，魏王大恐，謂昭忌曰：不用子之計而禍至，為之奈何？昭忌乃為之見秦王曰：臣聞明主之聽也，不以挾私為政，是參行也。願大王無攻魏，聽臣也。恐立勇反，為之為于偽反，下為王同。○關君長曰：為政若疇昔之羊，子為政之為政。秦王曰：何也？昭忌曰：山東之從時

合時離何也哉。秦王曰：不識也。曰：天下之合也，以王之不必也。其離也，以王之必也。今攻韓之管，國危矣。未卒而移兵於梁，合天下之從，無精於此者矣。以為秦之求索，必不可支也。從子容反，下同。率子律反，索所白反。○精猶甚也。支猶止也。故為王計者，不如制趙。秦已制趙，則燕不敢不事秦。荆齊不能獨從天下，爭敵於秦，則弱矣。秦王乃止。

關君長曰：韓魏方被秦攻，趙已見制，燕亦事秦。六國猶有齊楚，是以不能合天下之從。齊楚並無與國之援，而爭敵於秦，則齊與楚兵皆弱矣。

考異

高本壞秦之秦作梁，坊本必魏間有於字，曾本而於間添歸字，高本坊本並若不下有因字，今從劉本。坊本何也下無哉字，之合下無也字，高本如制之制作齊，坊本荆齊之齊作濟。

芮宋欲絕秦趙之交，故令魏氏收秦太后之養地。力令

呈反，養羊尚反，下同。○芮宋，魏人也。張洲曰：太后養地，蓋魏地，而割以奉秦者，故收之以激怒秦。

王怒，芮宋謂秦王曰：魏委國於王，而王不受，故委國

於趙也。關君長曰：委國於王，猶言以國聽王，不受，言秦不親魏。李郝謂臣曰：子

言無秦而養秦太后以地，是欺我也。故敝邑收之。秦

王怒，遂絕趙也。李郝，趙人也。無秦言不與秦通好。

考異

坊本無章末之也字。

為魏謂楚王曰：索攻魏於秦，秦必不聽王矣。是智困於秦，而交疏於魏也。楚魏有怨，則秦重矣。故王不如順天下，遂伐齊，與魏便地，兵不傷，交不變，所欲必得。

矣。為于偽反。索所白反。疏疎通。○蓋諸侯欲與楚伐齊。故曰順天下。遂伐齊。與魏便地。謂勝齊得地。以與魏之所便也。不攻魏而與地。故兵不傷。交不變。楚魏交合。則秦不重矣。勝齊則楚重矣。故曰所欲必得矣。

管鼻之令翟強與秦事。與音預。○令疑當作與。事使事。而重鼻輕強。故強不欲使。謂魏王曰。鼻之與強猶秦客為強說。魏王如下文也。

晉人之與楚人也。晉人見楚人之急帶劍而緩之。楚人惡其緩而急之。惡烏路反。○言二人性行相反。今若晉人楚人帶劍緩急不同。今

鼻之入。秦之傳舍。舍不足以舍之。強之入。無蔽於秦者。強王貴臣也。而秦若此其甚安可。傳直戀反。○舍不足以舍之。言守衛之盛。舍不能容。無蔽謂無守衛者。甚。謂秦輕強之甚。蓋二人之秦。行裝大異。故秦之待

之。如是也。言二人性行既相反。輕重又不均。必敗事也。

考異 坊本藏 作蘇

成陽君欲以韓魏聽秦。魏王弗利。白圭謂魏王曰。王不如陰使人說成陽君。曰。君入秦。秦必留君。而以多割於韓矣。韓不聽。秦必留君。而伐韓矣。故君不如安行求質於秦。成陽君必不入秦。秦韓不敢合。則王重矣。

說始銳反。質音致。○關君長曰。徐行不進。求質于於秦。以將得質而後行。然事必不成。成陽必不入。秦。碣拾夫曰。安按誤。言下其行而不發。亦通。

考異 坊本圭作 珪。無敢字。

安釐王 凡二十 二章

後周園雅

後周園雅

後周園雅

後周園雅

後周園雅

後周園雅

後周園雅

後周園雅

後周園雅

後周園雅

後周園雅

秦敗魏於華走芒卯而圍大梁敗必邁及華胡化須

賈為魏謂穰侯曰臣聞魏氏大臣父兄皆謂魏王曰

初時惠王伐趙戰勝乎三梁十萬之軍拔邯鄲趙氏

不割而邯戰復歸為于偽及下皆同○惠王魏惠王也齊人

攻燕殺子之破故國燕不割而燕國復歸故國猶舊

所都也昭王立而燕趙之所以國全兵勁而地不并

乎諸侯者以其能忍難而重出地也宋中山數伐數

割而隨以亡臣以為燕趙可法而宋中山可無為也

并音併難乃且反重直用反數色夫秦貪戾之國而

無親蠶食魏盡晉國戰勝鞏子割八縣地未畢入而

兵復出矣夫秦何厭之有哉夫音扶下同盡津忍及

亦魏今又走芒卯入北地此非但攻梁也且劫王以

多割也王必勿聽也鮑彪曰北地今王循楚趙而講

楚趙怒而與王爭事秦秦必受之秦挾楚趙之兵以

復攻則國救亡不可得也已願王之必無講也王若

欲講必少割而有質不然必欺質音致○循當作積

言背二國之約下文楚趙怒於魏之先已講也必爭

事秦即是也質質子也言必少割地而求秦質子不

然必為秦所欺以是臣之所聞於魏也願君之以是

慮事也此臣賈自謂周書曰維命不于常此言幸之

不可數也夫戰勝鞏子而割八縣此非兵力之精非

計之工也。天幸為多矣。今又走芒卯入北地以攻大梁。是以天幸自為常也。智者不然。周書康誥之篇臣聞魏氏悉其百縣勝兵以止戍大梁。臣以為不下三十萬以三十萬之眾守十仞之城。臣以為雖湯武復生弗易攻也。勝音升易以豉反。關君長曰勝兵蓋丁男勇力能勝於人者止謂止而不遷。夫輕信楚趙之兵陵十仞之城戴三十萬之眾而志必舉之。臣以為自天下之始分以至於今未嘗有之也。攻而不能拔。秦兵必罷。陰必亡。則前功必棄矣。輕遣政反。罷音疲。

信當作倍。史記作背亦可以證矣。楚趙救兵在後故曰倍。三十萬之眾在十仞之上故曰戴。下當作地。史記作地陰即陶。穰侯封邑也。今魏方疑可以少割收也。願君之及

楚趙之兵未任於大梁也。亟以少割收魏。魏方疑而得以少割為和。必欲之。則君得所欲矣。魏方疑謂魏之言任當作至。史記作至。所欲謂所欲之地。楚趙怒於魏之先已講也。必爭事秦。從是以散。而君後擇焉。從子容反。先已講謂先二國救兵未至。

而與秦講君後當作後。君擇謂擇所與也。且君之嘗割晉國取地也。何必以兵哉。夫兵不用而魏效絳安邑。又為陰啓兩機。盡故宋。衛効尤憚。秦兵已令而君制之。何求而不得。何為而不成。臣願君之熟計而無行危也。穰侯曰善。乃罷梁圍。史記兩下有道字。此恐脫落。司馬貞曰魏效河東之兩道。愚謂秦既得地而冉又為陰啓兩道。故曰又。今當作全。史記作全言以機會盡得故宋之地。

衛必効尤憚是秦兵已全而再為其制如是則求無不得為無不成矣行危謂圍大梁也

考異 坊本趙戰下無勝字舉作舉曾本縣作姓坊本無收魏之魏字坊本可得下無也字工作攻亡則下無前字高

本無收魏之魏字坊本今作合無作母

秦敗魏於華魏王且入朝於秦敗必邁及華胡化周及朝直遙及下同周訢謂王曰宋人有學者三年反而名其母其母曰子學三年反而名我者何也其子曰吾所賢者無過堯舜堯舜名吾所大者無大天地天地名今母賢不過堯舜母大不過天地是以名母也其母曰子之於學者將盡行之乎願子之有以易名母也子之於學也將有所不行乎願子之且以名母為後也今王之事

秦尚有可以易入朝者乎願王之有以易之而以入

朝為後盡津忍反○有以易名母謂有他稱易名母以名母為後謂後名母而不為也魏王

曰子患寡人入而不出邪許綰為我祝曰入而不出

請殉寡人以頭邪音耶下同為于偽反下為王為秦為魏自為同祝之又反○從葬曰殉

周訢對曰如臣之賤也今人有謂臣曰入不測之淵

而必出不出請以一鼠首為汝殉者臣必不為也今

秦不可知之國也猶不測之淵也而許綰之首猶鼠

首也內王於不可知之秦而殉王以鼠首臣竊為王

不取也且無梁孰與無河內急王曰梁急無梁孰與

無身急王曰身急曰以三者身上也河內其下也秦

未索其下。而王効其上。可乎。王尚未聽也。內王之內音納下同

索所白及支期曰。王視楚王。楚王入秦。王以三乘先之。楚

王不入。楚魏為一。尚足以捍秦王。乃止。乘繩證反。關君長曰。視

楚王。視楚王所為而計之也。三乘輕使也。言先楚王未入秦。以輕使急結中和於楚上。王謂支期

曰。吾始已諾於應侯矣。今不行者。欺之矣。支期曰。王

勿憂也。臣使長信侯請無內王。王待臣也。應於陵反。下同。○言

使長信請於應侯無內王。支期說於長信侯曰。王命召相國。長信

侯曰。王何以臣為。支期曰。臣不知也。王急召君。長信

侯曰。吾內王於秦者。寧以為秦邪。吾以為魏也。支期

曰。君無為魏計。君其自為計。且安歿乎。安生乎。安窮

乎。安貴乎。君其先自為計。後為魏計。長信侯曰。樓公

將入矣。臣今從。說始銳反。相息亮反。從才用反。○言將從樓公而入。支期曰。王

急召君。君不行。血濺君襟矣。長信侯行。支期隨其後。

且見王。支期先入。謂王曰。偽病者乎。而見之。臣已恐

之矣。恐丘勇反。○乎疑當作呼。蓋偽病者呼之於病。牀而見之也。恐言君其自為計。血濺君襟矣。

長信侯入見王。王曰。病甚。奈何。吾始已諾於應侯矣。

意雖道死行乎。意抑古通用。說見秦策。言雖死於道路。猶將行。長信侯曰。王

毋行矣。臣能得之於應侯矣。願王無憂。言能使應侯止王之行。

考異

坊本訃作訃。不行乎之乎作也。意雖道死。曾本作雖欲道死。劉本作意雖死。又臣作且。高

本下侯矣。無矣字。

華陽之戰。魏不勝秦。明年將使段干崇割地而講。孫臣謂魏王曰。魏不以敗之上割。可謂善用不勝矣。而秦不以勝之上割。可謂不能用勝矣。今處期年。乃欲割。是羣臣之私。而王不知也。華胡化反。處昌呂反。期音暮。鮑彪曰。上謂當其時。愚謂私謂自為計。且夫欲璽者段干子也。王因使之割地。欲地者秦也。而王因使之授璽。夫欲璽者制地。而欲地者制璽。其勢必無魏矣。夫音扶。下同。欲璽。謂欲得秦封受其璽。無魏言魏地。且夫姦臣固皆欲以地事秦。譬猶抱薪而救火也。薪不盡。則火不止。今王之地有盡。而秦之求無窮。是薪火之說也。魏地不盡。則魏王曰善。雖然。

吾已許秦矣。不可以革也。革改也。對曰。王獨不見夫博

者之用梟耶。欲食則食。欲握則握。今君劫於羣臣而

許秦。因曰不可革。何用智之不若梟也。張守節曰。博頭有刻為梟

鳥形者。擲得梟者。合食其子。不便。則為餘行也。愚謂握。握梟而不行也。史記不若下有字。此恐脫落。

魏王曰善。乃案其行。案止也。言止段干崇之行而不遣也。

考異高本坊本並華陽作華軍。一本作華陽軍。今從一本坊本能用作善用。高本授作受。坊本

姦臣作奸人之求。作求之。案作按。

秦魏為與國。齊楚約而欲攻魏。魏使人求救於秦。冠

蓋相望。秦救不出。冠蓋相望。使者往還不絕也。魏人有唐且者。年

九十餘。謂魏王曰。老臣請出西說秦。令兵先。臣出。可

乎。魏王曰。敬諾。遂約車而遣之。說始銳反。令力呈反。○今兵先臣出言令

秦兵先且未歸而出唐且見秦王。秦王曰。丈人茫然乃遠至此。

甚苦矣。魏來求救數矣。寡人知魏之急矣。茫然疲唐倦之貌

且對曰。大王已知魏之急。而救不至者。是大王籌策

之臣無任矣。且夫魏一萬乘之國。稱東藩。受冠帶。祠

春秋者。以為秦之強。足以為與也。今齊楚之兵。已在

魏郊矣。大王之救不至。魏急。則且割地而約齊楚。王

雖欲救之。豈有及哉。是亡一萬乘之魏。而強二敵之

齊楚也。竊以為大王籌策之臣無任矣。任音壬。夫音扶。乘繩證反。

藩音蕃秦王喟然愁悟。遽發兵。日夜赴魏。齊楚聞之。乃

引兵而去。魏氏復全。唐且之說也。復扶又反

考異坊本且並作睢一本遽作遂

虞卿謂趙王曰。人之情。寧朝人乎。寧朝於人也。趙王

曰。人亦寧朝人耳。何故寧朝於人。虞卿曰。夫魏為從

主。而違者范痤也。今王能以百里之地。若萬戶之都

請殺范痤於魏。范痤死。則從事可移於趙。朝直遙反。夫音扶。下

同。從子容反。○違違趙志也。言使趙不為從主。范痤魏相也。從事可移於趙。言趙為從主。而可以朝人也。

趙王曰。善。乃使人以百里之地。請殺范痤於魏。魏王

許諾。使司徒執范痤。而未殺也。范痤獻書魏王曰。臣

聞趙王以百里之地。請殺痤之身。夫殺無罪范痤。薄


故也。而得百里之地。大利也。臣竊為大王美之。雖然。而有一焉。百里之地不可得。而死者不可復生也。則王必為天下笑矣。臣竊以為與其以死人市。不若以生人市便也。為大之為于偽反。下為之同。復扶又反。○薄故猶細事也。又遺其後。相信陵君書曰。夫趙魏敵戰之國也。趙王以咫尺之書來。而魏王輕為之殺。無罪之瘞。瘞雖不肖。故魏之免相也。嘗以魏之故。得罪於趙。夫國內無用臣。外雖得地。勢不能守。然今能守魏者。莫如君矣。王聽趙殺瘞之後。強秦襲趙之欲。倍趙之割。則君將何以止之。此君之累也。遺唯季反。相息亮反。輕遣政反。○關君長曰。瘞免相之後。以信陵為相。故云後。

相也。咫尺猶尺一也。言敵戰之國。而其書疎畧。不可遽信。以魏之故。蓋言以下魏為從主之故。用臣言下可用守國者。信陵君曰。善。遽言之。王而出之。恐其及已也。

考異 高本謂作請。曾本人也。作人乎。高本瘞作瘞。曾本劉本司徒作司空。高本便作使。一本無。

高本免相下有望字。劉本作室。坊本夫國下無內字。高本之欲作之俗。

魏將與秦攻韓。朱己謂魏王曰。秦與戎翟同俗。有虎狼之心。貪戾好利。而無信。不識禮義德行。苟有利焉。不顧親戚兄弟。若禽獸耳。此天下之所同知也。非所施厚積德也。好呼報反。行下孟反。施始鼓反。○朱己史記作無忌。吳師道曰。朱己即無忌字。訛也。愚按。史記非下有有字。此恐脫落。林西仲曰。即救魏亦擇利而行。非愛魏而施惠也。先徑破秦行。故太后母也。而以憂死。穰侯舅也。功莫大焉。而竟逐



之。兩弟無罪而再奪之國。此於其親戚兄弟若此而

又况於仇讎之敵國也。昭王用范雎言廢太后逐穰侯出高陵涇陽見秦策敵國

指魏今大王與秦伐韓而益近秦臣甚惑之而王弗識

也則不明矣。羣臣知之而莫以此諫則不忠矣。近附

近○秦不可親如上文所言而與之今夫韓氏以一

女子奉一弱主。內有大亂。外安能支強秦魏之兵。王

以為不破乎。夫音扶下同○蓋是時韓韓亡秦盡有

鄭地與大梁鄰。王以為安乎。盡津忍反下盡拔盡亡

故鄭國地與大梁鄰所謂益近秦者王欲得故地而今負強秦之禍也

王以為利乎。故地魏嘗喪於韓之地言利小而禍大也秦非無事之國也

韓亡之後必且便事。便事必就易與利。易以鼓反下就易同○非

無事之國謂以攻伐為務便事便宜從事也關君長曰就易伐與有利暗指魏也就易與利

必不伐楚與趙矣。是何也。夫越山踰河絕韓之上黨

而攻強趙。則是復闕與之事也。秦必不為也。復扶又反闕與

上音過下音豫○絕直度也闕與地名趙奢嘗敗秦於此林西仲曰不為者以其不易若道河

內倍鄴朝歌絕漳滏之水而以與趙兵決勝於邯鄲

之郊。是受智伯之禍也。秦又不敢。倍音背○道由也智伯之事見前林

西仲曰不敢伐楚道涉山谷行三千里而攻危隘之

國所行者甚遠而所攻者甚難。秦又弗為也。林西仲曰以其

不若道河外背大梁而右上蔡召陵以與楚兵決於

陳郊秦又不敵也。背音佩，召音邵。○陳亡屬楚，林西仲曰：以其不利。故曰秦

必不伐楚與趙矣。又不攻衛與齊矣。韓亡之後，兵出

之日，非魏無攻矣。衛齊皆在三晉之東，故又不攻。其易與利，無如魏者，故必攻之。秦

故有懷地邢丘安城埭津，而以其臨河內，河內之共

汲莫不危矣。故固通，共居庸反，下共莫同。○林西仲曰：韓亡後，秦攻魏，所以為就易與利者。

此其一秦有鄭地得垣雍，決滎澤而水大梁，大梁必

亡矣。雍於用反。○林西仲曰：秦攻魏，所以為就易與利者，此又一路也。王之使者大

過矣。乃惡安陵氏於秦，秦之欲許之久矣。然而秦之

葉陽昆陽與舞陽高陵鄰，聽使者之惡也。隨安陵氏

而欲亡之。秦繞舞陽之北，以東臨許，則南國必危矣。

南國雖無危，則魏國豈得安哉。○使所吏反，葉舒涉反。安陵，魏之附庸，而

合於韓，故魏王使人惡之。秦言使者不敢斥王也。許故許國，亡屬韓，聽從也。隨猶繼也。言秦從使者之惡

而亡安陵氏，繼之而欲亡許也。南國謂魏以南國也。且夫憎韓不受安陵氏可

也。夫不患秦之不愛南國，非也。受猶容也，不容謂絕也。言憎韓絕安陵氏

猶可也。秦得魏以南之國，則去梁甚近，而不患之非也。異日者，秦乃在河西，晉


國之去梁也千里，有餘河山以蘭之，有周韓而間之。

從林鄉軍，以至于今，秦十攻魏，五入國中，邊城盡拔。

文臺墮，垂都焚，林木伐，麋鹿盡，而國繼以圍。又長驅

梁北，東至陶衛之郊，北至平闕，所亡乎秦者，山北河

外河內，大縣數百，名都數十。秦乃在河西，晉國之去



大梁也尚千里而禍若是矣。又况於使秦無韓而有鄭地無河山以蘭之。無周韓以間之。去大梁百里。禍必百此矣。問古竟反。墮許規反。敷色主反。○國國都也。去梁也千里。謂都絳安邑時。史記無餘字。有字屬下。此恐衍。蘭關通。遼也。林鄉地名。文臺臺名。無韓疑當作亡韓。上文韓亡秦盡有鄭地。可以見矣。去大梁百里。謂秦去大梁之近也。林西仲曰。平日去秦甚遠。兼有韓蔽。猶且累得重禍。則韓亡之後。為益近秦。其得禍百倍可知。自秦非無事之國。句上至此。總言韓必不可伐。異日者。從之不成也。楚魏疑而韓不可得而約也。今韓受兵三年矣。秦撓之以講。韓知亡猶弗聽。投質於趙。而請為天下鴈行頓刃。以臣之愚觀之。則楚趙必與之攻矣。此何也。則皆知秦之無窮也。非盡亡天下之主。而臣海內

之民必不休矣。從子容反。下同。質音致。下同。為于偽反。行戶剛反。○質質子也。鴈行猶顏

行謂前軍也。頓刃謂折壞兵刃以戰也。是故臣願以從事乎王。王速受

楚趙之約。而挾韓之質。以存韓為務。因求故地於韓。

韓必効之。如此則士民不勞。而故地得。其功多於與

秦共伐韓。然而無與強秦鄰之禍。夫存韓安魏而利

天下。此亦王之太時已。大時言時會之大也。通韓之上黨於共

寧。使道已通。因而關之。出入者賦之。是魏重質韓以

其上黨也。共有其賦。足以富國。韓必德魏愛魏。重魏

畏魏。韓必不敢反魏。韓是魏之縣也。魏得韓以為縣。

則衛大梁河外必安矣。共寧皆魏地。言異日韓魏中絕。今通其道。衛時屬魏。今

不存韓則二周必危安陵必易楚趙大破魏齊甚畏天下之西鄉而馳秦入朝為臣之日不久矣鄉許亮反朝直

遙反○易謂易而為秦有

考異 劉本厚作惠坊本於其作其為高本坊本並奉作承今從盧本坊本亡秦下無盡字欲得上無王字諸本之國作之塞今從劉本諸本安城

作之城索隱引策作安城今從之坊本有餘下有字蘭作關林鄉高本作林一字坊本作橫一字今從盧本諸本平闕作乎闕今從一本高本成也作成矣坊本知秦下有欲字諸本之主作之兵亦從一本高本挾韓下有魏字高本坊本並共寧作共莫史記作共寧今從盧本高本魏齊作魏衛一本甚畏作其畏諸本章末無矣字亦從一本

秦趙構難而戰謂魏王曰不如收趙而構之秦王不構趙趙不以毀構矣而構之秦趙必復闕闕必重魏

是并制秦趙之事也難乃旦反復扶又反并音併○不以毀構言趙不能以毀折之

兵獨構難而戰也重魏秦趙重魏也故曰并制秦趙之事也王欲焉而收齊趙攻

荆欲焉而收荆趙攻齊欲王之東長之待之也長丁丈反

○言秦趙重魏之後魏欲諸侯重己而收齊則趙因荆無齊之救為魏攻之欲其合魏收荆則趙攻齊亦然欲魏長於山東而為之盡力以待其成也

考異 坊本構並作構復闕上無必字一本有必字而無復字高本無一闕字坊本長之下有也

長平之役平都君說魏王曰王胡不為從魏王曰秦

許吾以垣雍說始銳反從子容反雍於用反下同○說疑謂訛從謂與趙約從以救之垣雍

蓋韓所得於魏之地秦許魏以令韓歸之也平都君曰臣以垣雍為空割

也。魏王曰：何謂也？平都君曰：秦趙久相持於長平之下，而無決。天下合於秦，則無趙；合於趙，則無秦。秦恐王之變也，故以垣雍餌王也。秦恐魏背己，救趙，故以垣雍為釣魏之餌也。秦戰勝趙，王敢責垣雍之割乎？王曰：不敢。秦戰不勝趙，王能令韓出垣雍之割乎？王曰：不能。臣故曰：垣雍空割也。魏王曰：善。令力呈反。○秦勝則魏畏而不能責之，不勝則韓不畏秦，故不能令出焉。秦勝與不勝，垣雍皆不可得，故曰空割也。

考異 一本無決 間添大字

樓梧約秦魏，將令秦王遇於境，謂魏王曰：遇而無相，秦必置相，不聽之，則交惡於秦，聽之，則後王之臣將

皆務事諸侯之能令於王之上者。將令之令力呈反，相息亮反，下同。○

無齊也。秦必輕王之強矣。相秦者謂相有秦者，或相下脫有字，言遇於秦，且相有秦者，無齊親而畏秦，故也。無齊親而合，有齊者不

若相之，齊必喜。是以有齊者與秦遇，秦必重之矣。不若

八年，謂魏王曰：昔曹恃齊而輕晉，齊伐釐莒而晉人

亡曹，繒恃齊而輕越，齊和子亂而越人亡繒，鄭恃魏

以輕韓，魏伐榆關而韓氏亡，鄭原恃秦翟以輕晉，秦

考異 一本梧作部，不聽下無之字，坊本於王下無之字，齊者下有王字

二字，疑當移有齊上，關君長曰：言如是，則齊必喜，秦必重王矣。

翟年穀大凶而晉人亡原中山恃齊魏以輕趙齊魏
 伐楚而趙亡中山此五國所以亡者皆有所恃也非
 獨此五國為然而已也天下之亡國皆然矣夫國之
 所以不可恃者多其變不可勝數也或以政教不脩
 上下不輯而不可恃者或有諸侯鄰國之虞而不可
 恃者或以年穀不登畜積竭盡而不可恃者或化於
 利比於患臣以此知國之不可必恃也釐萊古字通
 繒在稜反夫
音扶勝音升數色主反畜穡同積子賜反比毗志反
 和子亂未詳按西周策魏攻秦而鄭亡韓子魏攻
 荆而韓滅鄭必有一誤然則榆關屬秦乎楚乎
 未可知也輯和也登成也化猶移比猶近也今王
 恃楚之強而信春申君之言以是實秦而久不可知

即春申君有變是王獨受秦患也即王有萬乘之國
 而以一人心為命也臣以此為不完願王之熟計

之也實攢通乘繩證反○久不可知言日久則其變
 不可知命政令也言萬乘之重宜與眾議而王

乃以一人之心為政令也

考異

坊本章首有十字高本輕
 越作悍越畜作穡實作質

魏王問張旄曰吾欲與秦攻韓何如張旄對曰韓且
 坐而胥亡乎且割而從天下乎王曰韓且割而從天
 下胥待張旄曰韓怨魏乎怨秦乎王曰怨魏張旄曰
 韓強秦乎強魏乎王曰強秦張旄曰韓且割而從其
 所強與所不怨乎且割而從其所不強與其所怨乎

王曰韓將割而從其所強與其所不怨張旄曰攻韓之事王自知矣言攻韓之利害王可自知矣

考異 坊本晉作異

客謂司馬食其曰慮久以天下為可一者是不知天下者也食其音異基言天下不可一

欲獨以魏支秦者是又不知魏者也言魏不能支秦

謂茲公不知此兩者又不知茲公者也兩者謂天下不可一與魏不能支秦

然而茲公為從其說何也從則茲公重不從則茲公輕從子容反言茲公知兩者而猶且為從者從則重不從則輕

故也茲公之處重也不實為期子何不疾及三國方

堅也自賣於秦秦必受子不然橫者將圖子以合於

秦是取子之資而以資子之讎也處昌呂反期必也言為從而重則

從不然則否不以從為必也三國蓋三晉堅謂從約

之堅也自賣謂倍從合秦以自收利也橫者魏人欲

橫者讎即橫者也關君長曰言橫者將圖子之所為以合於秦是取子合於秦之資反資橫者也

考異 劉本無久字一本不實間添以字

秦拔寧邑魏王令人謂秦王曰王歸寧邑吾請先天

下講魏冉曰王無聽魏王見天下之不足恃也故欲

先講夫亡寧者宜割二寧以求講夫得寧者安能歸

寧乎令力呈反夫音扶言魏宜割如寧者二以求講秦不當歸寧而講也

考異 高本講作構

秦罷邯鄲攻魏取寧邑吳慶恐魏王之講於秦也謂

魏王曰。秦之攻王也。王知其故乎。天下皆曰。王近也。

王不近秦。秦之所去。皆曰。王弱也。王不弱。二周近附

近去起呂反下同。○言秦之攻王也。天下皆曰。王近秦故也。然王實不近秦。秦去而不令。天下皆曰。王弱故也。然王實不弱於二周。是慶反。秦人去邯鄲。過二

周而攻王者。以王為易制也。王亦知弱之召攻乎。音過

戈。易以攻反。○言魏強猶足以敵秦。而秦特攻之者。以王為弱而易制故也。今又見攻而講。是所以彌示

弱也。○言魏強猶足以敵秦。而秦特攻之者。以王為弱而易制故也。今又見攻而講。是所以彌示

魏王欲攻邯鄲。季梁聞之。中道而反。衣焦不申。頭塵

不去。往見王曰。今者臣來。見入於大行。方北面而持

其駕。告臣曰。我欲之楚。臣曰。君之楚將奚為北面。曰。

吾馬良。臣曰。馬雖良。此非楚之路也。曰。吾用多。臣曰。

用雖多。此非楚之路也。曰。吾御者善。此數者愈善。而

離楚愈遠耳。去起呂反。數色主反。離力智反。下同。○

行道也。楚在南。而北行。故曰。非楚之路也。用。資用也。今王動欲成霸王。舉欲信

於天下。恃王國之大。兵之精銳。而攻邯鄲。以廣地尊

名。王之動愈數。而離王愈遠耳。猶至楚而北行也。王霸

離王之王于况反。數色角反。○動舉互言也。

考異 高本今者作今之坊。本下非楚下無之字。

周肖謂宮他曰。子為肖謂齊王曰。肖願為外臣。令齊

資我於魏。他徒多反。下同。為肖之為于偽反。令。宮他

力呈反。○身在魏而事齊。故曰外臣。

戰國策正解

卷七下

後形司載

曰不可。是示齊輕也。鮑彪曰：肖魏臣而假重於外，是示齊以無魏之重。夫齊

不以無魏者，以害有魏者。故公不如示有魏。夫音扶，言齊

必不用下無魏重者，而害有魏重者，故不如示有魏重也。公曰：王之所求於魏者，

臣請以魏聽。齊必資公矣。是公有齊以齊有魏也。以言

有齊重，故有魏重也。

信陵君殺晉鄙，救邯鄲，破秦人，存趙國。趙王自郊迎。

秦圍邯鄲，趙請救於魏，魏使將軍晉鄙將十萬眾救之。既而魏王畏秦，止晉鄙，趙請救益急，信陵君乃殺

晉鄙，將其眾救之。唐阻謂信陵君曰：臣聞之曰：事有

不可知者，有不可不知者，有不可忘者，有不可不忘

者。信陵君曰：何謂也？對曰：人之憎我也，不可不知也。

吾憎久也，不可得而知也。人之有德於我也，不可忘

也。吾有德於人也，不可不忘也。不可不知，言不可不知其見憎之由，知之

則改之也，不可得而知，言不可不知其憎之由，知之則憎深也。今君殺晉鄙，救邯鄲，

破秦人，存趙國，此大德也。今趙王自郊迎，卒然見趙

王，臣願君之忘之也。信陵君曰：無忌謹受教。卒粹同，關君

長曰：卒然見趙王，言輕遽迎謁而無德色。

魏攻管而不下，安陵人縮高其子為管守。下還嫁反，下同，守手

又及下子守同。○吳師道曰：秦攻韓管而得之，縮高之子為秦守者也。通鑑綱目：縮高之子仕於秦，信

陵君使人謂安陵君曰：君其遣縮高，吾將仕之以五

大夫，使為持節尉。關君長曰：遣，放遣也。言信陵使安陵遣高而將仕之，胡三省曰：欲使

安陵以君諭其民以父諭其子也安陵君曰安陵小國也不能必使

其民使者自往請使道使者之使所吏及下使者大

能必使其民猶不使者至縮高之所復信陵君之命

復白縮高曰君之幸高也將使高攻管也夫以父攻

子守入大笑也見臣而下是倍主也父教子倍亦非

君之所喜也敢再拜辭夫音扶倍音佩關君長曰幸謂五大夫持節尉愚謂臣

謂也使者以報信陵君信陵君大怒遣大使之安陵

曰安陵之地亦猶魏也今吾攻管而不下則秦兵及

我社稷必危矣願君之生束縮高而致之若君弗致

也無忌將發十萬之師以造安陵之城造七倒反○安陵魏附庸

故曰猶魏也安陵君曰吾先君成侯受詔襄王以守此地

也手受大府之憲憲之上篇曰子弑父臣弑君有常

不赦國雖大赦降城亡子不得與焉降戶江反與音預○襄王魏襄

王也大府魏國藏圖籍之府也憲法令也有常有常

刑也降城以城降者亡子棄城亡者此二者不得與大赦也今縮高謹辭大位以全父子之義而君曰必生

致之是使我負襄王之詔而廢大府之憲也雖死終

不敢行關君長曰大位即五大夫之屬父不攻子子縮

高聞之曰信陵君為久悍而自用也此辭反必為國

禍吾已全已無為人臣之義矣豈可使吾君有魏患

也乃之使者之舍列頸而死言使者以安陵之辭反命於信陵信陵必怒攻

安陵吾已全已父子之義而因我為國禍是無下為人臣之義矣吾君謂安陵也魏患即將發十萬之師是也

信陵君聞縮高死服縞素避舍使使者謝安陵君曰無忌小人也困於思慮失言於君敢再拜釋罪

嗣反言攻管而不下思慮困窮因失言於君也

考異

一本夫下無以字坊本倍主作背王子倍作子背弗致下無也字造作告常下有刑字一本謹作雖高本謹辭作謹解坊本我負上無使字高本負襄王下無之字坊本無為作無違高本服上有素字坊本使使下無者字

魏王與龍陽君共船而釣

龍陽鮑彪以為魏之幸臣地若安陵鄢陵屬據其曰臣爵至人君及走辟於上之類明其為幸臣也然說者以為王拂枕席疑為幸姬按倭幸傳謂以色幸者與上起卧安知龍陽君得不為拂拭乎後屯龍陽之好亦言男子也

十餘魚而涕下王曰有所不安乎如是不相告也

對曰臣無敢不安也王曰然則何為涕出曰臣為王

之所得魚也王曰何謂也對曰臣之始得魚也臣甚

喜後得又益大今臣直欲棄臣前之所得矣臣為之為于偽

及下為王同以已既如是慮王亦然也今以臣凶惡而得為王拂枕席

今臣爵至人君走入於庭辟入於途四海之內美人

亦甚多矣聞臣之得幸於王也必褰裳而趨王臣亦

猶曩臣之前所得魚也臣亦將棄矣臣安能無涕出

乎辟音關關君長曰凶謂行惡謂貌拂枕席言與王起卧因為拂拭枕席爵至人君言封為龍陽君

道途遇之者皆走辟也魏王曰誤有是心也何不相

告也。於是布令於四境之內曰：有敢言美人者，族。吳師

道曰：誤恐是諱字訛得之。由是觀之，近習之人其摯

諂也固矣。其自羣繫也完矣。今由千里之外欲進美

人所効者庸必得幸乎？假之得幸，庸必為我用乎？而

近習之人相與怨我，見有禍未見有福，見有怨未見

有德，非用智之術也。摯，握持也。羣，覆也。言自覆其不

令我謂欲進之人也。關君長曰：此假美人泛論疎遠之人欲進賢才也。

考異 坊本為王作為臣以臣下有之字，辟作避趨王間有大字。

或謂魏王王傲四疆之內，其從於王者十日之內備不具者死。王因取其游之舟上繫之，臣為王之楚。王

胥臣之反而行。為于偽反下同。○從於王者謂凡兵械當從王者游旌旗之旒也。言已傲

因先至而繫旒待兵聚也。蓋欲急伐秦也。胥待也行行兵也。春申君聞之謂使者

曰：子為我反，無見王矣。十日之內數萬之眾，今涉魏

境。使所吏反下同。令力呈反。○使者即此說者王謂楚王也。蓋春申示已專楚也。秦使聞之

以告秦王。秦王謂魏王曰：大國有意必來，以是而足

矣。言魏王所傲之兵而足矣。不必待楚也。蓋秦示知其情而折之也。

考異 坊本傲作警，錢本無，高本繫作擊。坊本胥作耳，錢本反而作反乃。

觀鞅謂春申曰：人皆以楚為強，而君用之弱。其於鞅

也不然。以猶謂也。言人皆謂楚本為強國，而因君用之故弱於鞅，不以為然。關君長曰：蓋用之得

道必強，下有其說。先君者二十餘年未嘗見攻。今秦欲踰兵

於澠隘之塞不使假道兩周倍韓以攻楚不可塞先代反

倍音佩○關君長曰先君者言君不用事之前不使魏不使秦踰兵於澠隘之塞也不可言使秦不可下假道兩周倍韓以攻楚也二句追說往時魏為楚蔽耳因知今字誤行愚謂今或矣訛今則不然

魏且旦暮亡矣不能愛其許鄢陵與梧割以予秦去

百六十里臣之所見者秦楚鬪之日也已于音與○關君長曰

言秦得魏地與楚相近兩國交戰之日也已蓋鞅以為楚救魏不使割地以為蔽則秦不能伐楚是用之必強國之道也愚謂蓋鞅為魏說也

考異

坊本觀鞅作魏鞅弱下有也字澠作鄢去上有相字日也作日近

安邑之御史死其次恐不得也言其次當為御史者恐不得為御史也

輸人為之謂安邑令曰公孫綦為人請御史於王王

曰彼固有次乎吾難敗其法為于偽反敗必邁反○輸安邑里名關君長曰

彼指安邑也言安邑固有其次當為御史者乎則吾難敗其成法以用中他人也因遽置之彪

考異

坊本有次下無乎字其法作之一字

景閔王凡二章

秦攻魏急或謂魏王曰棄之不如用之之易也死之

不如棄之之易也能棄之弗能用之能死之弗能棄

之此人之大過也易以豉反○言棄地賂之不如用其地以守之之易也愛地死之不如割其地以賂之之易也當用而棄之當棄而死之此大過也今王亡地數百里亡

城數十而國患不解是王棄之非用之也今秦之強

也。天下無敵而魏之弱也甚。而王以是質秦王。又能死而弗能棄之。此重過也。數色主反。解音蟹。下同。重直龍反。○質質的之質質。

秦猶云為秦質也。言秦魏強弱不敵。以是時愛地而受兵其死必矣。已亡地與城而患不解。又為秦質而過也。此重。今王能用臣之計。虧地不足以傷國。界體不

足以苦身。解患而怨報。言報呂不韋主。攻魏之怨也。秦自四境之內。執法以下。至於長輓者。故畢曰。與嫪毐乎。與呂氏

乎。雖至於門閭之下。廊廟之上。猶之如是也。自字宜在內下。執法執政之臣。長字非行。則上下必有闕文。輓者。輓車之人也。故固通。畢盡也。嫪毐太后私人。與不韋爭權者。言貴賤上下皆如是也。今王割地以賂秦。以為嫪毐功。卑

體以尊秦。以因嫪毐。王以國贊嫪毐。以嫪毐勝矣。王

以國贊嫪毐。太后之德王也。深於骨髓。王之交最為

天下上矣。孔叢子以嫪之。以作則。無下王以國贊嫪。毒六字。此疑誤。衍勝。謂勝於不韋也。深於骨髓。言深入於骨髓也。秦魏百相交也。百相欺也。今由嫪毐善

秦而交為天下上。天下孰不棄呂氏而從嫪毐。天下必舍呂氏而從嫪毐。則王之怨報矣。舍音捨。

考異一本能用下無之字。劉本此人上無之字。坊本質作質。一本之此作也。此高本秦以作秦。王毒太作氏。太舍作合。

秦王使人謂安陵君曰。寡人欲以五百里之地易安陵。安陵君其許寡人。安陵已見前。安陵君曰。大王加惠。以

大易小。甚善。雖然。受地於先王。願終守之。弗敢易。秦

王不說安陵君因使唐且使於秦

說音悅使於之使所吏反○安陵五

十里而今以五百里之地易之故曰以大易小

秦王謂唐且曰寡人以五百

里之地易安陵安陵君不聽寡人何也且秦滅韓亡

魏而君以五十里之地存者以君為長者故不錯意

也今吾以十倍之地請廣於君而君逆寡人者輕寡

人與

長丁丈反錯七路反與音餘○錯置也言無欲攻之意

唐且對曰否非若

是也安陵君受地於先王而守之雖千里不敢易也

豈直五百里哉秦王怫然怒謂唐且曰公亦嘗聞天

子之怒乎唐且對曰臣未嘗聞也

怫然念貌秦王曰天子

之怒伏屍百萬流血千里唐且曰大王嘗聞布衣之

怒乎秦王曰布衣之怒亦免冠徒跣以頭搶地爾

搶突

也言觸士之怒如是而和解耳唐且曰此庸夫之怒也非士之怒也

夫專諸之刺王僚也彗星襲月聶政之刺韓傀也白

虹貫日要離之刺慶忌也倉鷹擊於殿上此三子者

皆布衣之士也懷怒未發休祲降於天與臣而將四

矣若士必怒伏屍二人流血五步天下縞素今日是

也挺劍而起

夫專之夫音扶下同刺七亦反要一遙反○專諸為公子光刺吳王僚見史記

襲入也傀韓相也事見韓策要離為吳王闔閭刺王

子慶忌見吳越春秋殿謂吳宮殿殿稱始見於此後

世專天子宸居曰殿漢書東海王疆傳初魯恭王好

宮室起靈光殿又黃霸傳有孝子貞婦者先上殿注

顏師古曰殿者丞相所坐屋也古者屋之高麗通呼

為殿不必宮中也休吉徵祲戾氣自三子言之為吉

言上動天文、又不止於百萬千里而已、二人謂王與士也、縞素喪服、言天子遇弒、天下服縞素也、挺拔也、

秦王色撓、長跪而謝之曰：先生坐，何至於此？寡人諭

矣。撓，屈論也。夫韓魏滅亡，而安陵以五十里之地存者，

徒以有先生也。論，以爲總結耳。秦王既曰：以君爲長

者，故不錯意也。又曰：徒以有先生也，雖秦王多變，而或無之，因知非秦王之言矣。

考異

坊本且作睡、爾作耳、三子下無者字、曾劉本休禮降於天、作休烈隆於天、

凡三十九章

戰國策正解卷七下

終

